

則用手工煉瓦玻璃。及化學製品。西洋製品。則用工場制。惟向來物品。用手工者。猶多。然亦隨世運之進步。而漸消其跡。此不僅歷史上所明言。而亦見諸事實者也。方今中國手工業。家內工業。尙見盛行。工場制。猶未發達。安能競生存於商工業上乎。願我凡百商人。察時運之大勢。講臨機應變之道。略變更其技術。改手工業爲工場制。則實業發達。可拭目以待也。

商部奏派員總理機器造紙公司摺

竊臣部前准政務處咨議覆順天府尹沈瑜慶奏請設造紙官局一摺。於光緒二十九年十二月二十日具奏奉 旨依議。欽此。鈔錄原奏咨行到部。查原奏內稱。造紙本係中國應開之利。日本參用中西各法。製造號爲精良。將來擬行銀幣等項。更須精造堅緻紙樣。應請飭下商部議定章程。招商選工興辦。以開利源。而資實用等語。臣等伏查造紙一事。洵係目前應闢之利源。惟精造堅緻紙樣。需用機器。成本較鉅。約需集股銀數十萬兩。方能興辦。當經轉飭臣部右參議楊士琦傳知上海商董招徠認辦。茲據該參議覆稱。有浙江在籍丁憂候補四品京堂龐元濟。久寓滬濱。熟諳商務。當以造紙公司。商令承辦。旋據該京堂函稱。此係開闢風氣。要務。願效奔走。力任招股。設廠事宜。擬先採擇中西辦法。殫力經營。務求貨

實業

五十

五月

精價廉官商便於行用庶銷路廣而鉅本不致虛糜倘蒙允准即當赴京擬訂章程再行呈請開辦又據稱別項公司屆時如有端倪亦可就近商權各等語臣等查候補四品京堂龐元濟家道素稱殷實曾在杭州設立縑絲紡織等廠經浙江巡撫咨明有案現在承辦設廠造紙事宜臣等公同商酌擬即派令總理機器造紙公司以專責成嗣後果能設立別項公司著有成效再當奏請獎勵如蒙 俞允即由臣等飭令該京堂迅速來京擬訂試辦章程一面令其招商集股並酌購機器擇地開辦謹 奏

河南巡撫陳奏續撥款項推廣製造片

查豫省機器局添購機器料件由司庫於新章減平項下撥銀二萬兩派員赴滬購運經前撫臣分別 奏咨在案臣到任後數月以來體察地方情形屢與司道商權豫省爲南北樞紐練兵製械實今日切要之圖槍械一項尤當極力擴充俾自能做造改良庶可免專恃外購原設局制因陋就簡常年籌撥款項購備機器物料並未講求新式新法究非長策當經飭司會同機器局妥籌去後茲據詳稱時勢孔棘戰備不可不修經費雖艱軍實不可不裕遵飭推廣製造洵屬先事籌防就目前而論至少須添購機器十部及一切應用物料並擬續購兩鎊鋼礮胚二十尊四鎊鋼礮胚十尊以備自行製造原撥銀二萬兩不敷甚鉅應再